

illarum tenorem ac si insereretur pro expresso habentes, non tenere, et nemini quo minus eisdem venetos favendo sub colore earum censuras et poenas praedictas incurrant, excusationem praestare posse declaramus, observent quoquo modo. Caeterum si excommunicati, interdicti, anathematizati, maledicti, privati et inhabitati praedicti, postquam privationis et inhabilitationis poenas praedictas incurrerint, obstinata animi duritie nostris monitioni et mandato praedictis ulterius distulerint obtemperare, et nunc prout ex tunc omnes reges, duces, principes, marchiones, barones, communitates, universitates et quoscumque alios terrarum dominos ac gentium, armorum capitaneos ad quorumcumque fidelium stipendia militantes requirimus per presentes, eisque et cuilibet eorum in virtute sanctae obedientiae praecipimus et mandamus, quatenus contra eosdem venetos, ac in sua observatione perseverantes, pro honore praefatae sedis armis insurgant, eosque persequi et debellare procurent et ne nostram civitatem ferrariensem ac loca quaecumque domini dicti ducis ferrariensis occupent se eis opponant, et in ipsorum venetorum poenam et pro eorum plectenda rebellione huiusmodi quoscumque venetos in eorum civitatibus, terris, locis, et dominiis degentes et civitatum, terrarum ac locorum quorum communitates, universitates et incolae praefatos venetos in eorum dominos recognoscere et eis ut eorum dominis obtemperare praesumpserint, postquam ipsi veneti privationis juris eorum in illis poenam incurrissent, capiant et captivos teneant, eorumque mercantias, pecunias, navigia, credita, res et bona omnia in proprios usus convertant. Nos enim ipsis arma sumentibus et aliquos eorumdem venetorum et subditorum suorum tunc eorum ditioni obtemperantium, eorumve res et bona in huiusmodi eventum capientibus universa, pecunias, localia, mercantias, navigia, animalia res et bona mobilia et immobilia, civitates quoque, castra et loca eorumdem venetorum quae sic ceperint ubique locorum etiam extra loca territorii eorumdem venetorum, eis in praedam